



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1442. usque ad annum 1460

**Fleury, Claude**

**August. Vind. [u.a.], 1768**

**VD18 90118324**

§. 58. Novi Cardinales a Felice creati

---

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

Sæcul. XV.  
A.C. 1443.

Patres, uti videtur Dupino, non tam devicti, quam defessi recesserunt, cum neutra pars cederet, & quælibet nec pacem inire, nec reconciliatione facta finem jurgiis suis imponere meditaretur, ac denique Concilia sua aliorsum, hi Romam, illi Lausannam transferre simularent, ubi tamen fere nihil est, quod ab illis gestum fuisse reperitur, sed schisma nihilominus usque ad Eugenii obitum, qui quarto ex post anno contigit, protrahatum est. Felix interim tam Lausannæ, quam Genevæ agebat, & Basilea discedens nonnisi quatuor secum habebat Cardinales, scilicet S. Sixti, S. Marcelli, Aquilejensem, & Verambonem; cum vero primi duo vita excederent, & tertius apud Cæsarem Viennæ diverteret, unicus duntaxat supererat.

## §. LVIII.

*Novi Cardinales a Felice creati.*

*Acta Patrie.*  
*to. 13. Conc.*  
*p. 1611.*

Igitur Felix, cum curiam suam congruo Patrum numero destitutam perspiceret, & deficiente Ministro nequidem sacra celebrare valeret, apud Basileenses, antequam ad sua abirent, instabat, ut Sessionis XXIII. Decretum hac duntaxat vice relaxarent, eique permetterent, ut quinque alios Cardinales nominaret. Acta res est cum magna Basileensium

conten-

contentione, tandem vero summi sui Ca-  
 pitis precibus acquievere membra, ac Fe-  
 lix ex quinque Cardinalibus, quos crea-  
 verat, nonnisi duos proclamavit, scilicet,  
 Joannem Tarentasiensem, & Ludovicum  
 Vifensem natione Lusitanum. His enarratis  
 Augustini Patricii acta finiuntur, in quibus  
 nil omnino memoratur de supradicta Lugdunensi  
 urbe, quæ ad Basileensis Synodi continuationem  
 selecta dicitur.

## §. LIX.

*Assertiones ab Alphonso Tostato ad  
 disputandum coram Papa  
 propositæ.*

Senis cum esset Eugenius Papa, Al-  
 phonsus Tostatus Hispanus, qui postea  
 Abulensis Episcopus eo tempore nonnisi  
 vigesimum octavum, seu nonum ætatis  
 annum agebat, præsentem summo Pontifi-  
 ce theses unam, & viginti ex Theologia  
 depromptas publicæ disputationi propo-  
 suit. Harum nonnullæ minus probæ exi-  
 stimabantur, ac inter ceteras hæc præ-  
 cipue: *Etsi nullum peccatum cujuscunque  
 conditionis irremissibile sit, Deus tamen  
 nec a pœna nec a culpa absolvit, nec aliquis  
 Sacerdos absolvere potest. Item, Christus  
 non est mortuus die vigesima quinta Mar-  
 tii, ut communis fert sententia, sed tertia A-*  
*prilis.*

E 2

Sæcul. XV.

A C 1443.

Bellarm. de  
Script Eccl.  
Spond ad  
an. 1443.